

(P)

93124 le

7—

29702/p

EXERCITATIO
DE
PRINCIPIBVS DIIS
ARTIS MEDICAE TVTELARIBVS

APVD
VETERES GRAECOS ATQVE ROMANOS

AD
VIRVM CLARISSIMVM
IOSEPHVM DV PONT

PHILOSOPHIAE BACCALAVREVM ET ARTIS MEDICAE
CVLTOREM LONGE DIGNISSIMVM


A V C T O R E
CAROLO FRID. HVNDERTMARCK

CIZENSI.

L I P S I A E
EX OFFICINA LANGENHEMII
M D C C X X V .

304401





EXERCITATIO
DE
PRINCIPIBUS DIIS ARTIS MEDICAE
TUTELARIBUS
APVD VETERES GRAECOS ATQVE ROMANOS.

ΣΥΝΟΨΙΣ.

§. I. Exponitur, Graecos atque Romanos, cum omnibus fere rebus, tum in primis Arti Medicae diuinam tribuisse originem, et recensentur generatim, quos pro Medicinae Diis inventoribus, tutelaribusque habuerunt. §. II. Sigillatim demonstratur, Artis salutaris numina fuisse, Hermetem. §. III. Isidem. §. IV. Cybelcm. §. V. Serapidem. §. VI. Bacchum. §. VII. Arabum. §. VIII.

Minervam. §. IX. Dianam. §. X. Chironem Centaurum. §. XI. Prometheum. §. XII. Telesphorum. §. XIII. Docetur, nobis principes artis Medicae tutelares Deos hic esse, quorum fit mentio in iureiurando Hippocratis. §. XIV. Meibomii commentarius in iusiurandum Hippocratis circa quaedam notatur, et uberius dicendorum explicatur ratio. §. XV. Ex instituto fusius agitur de APOLLI-

NE. §. XVI. *Disputatur de AESCULAPIO.* §. XVII. *de HYGEA.* §. XVIII. *de PANACEA.* §. XIX. *Sequuntur pia vota pro*

salute Viri Clarissimi, IOSEPHI DUPONT, ex Academia Lipsiensi in Pragensem reuertentis nuncupata.

§. I.



Raeci quondam veteres atque Romani id habuerunt singulare, vt, rerum suarum initia numquam non augustiora facturi, artium atque scientiarum primam originem et inuentionem a Diis immortalibus profectam esse, et sibi ipsi, et aliis summo opere persuadere voluerint. Hanc eorum sententiam in primis de arte Medica fuisse, exinde facile patebit, quod nullum fere celebriorum Deorum, quos putarunt, habuerint, quin eundem ad artem salutarem, aliqua saltem ex parte, inueniendam et perpoliendam quid contulisse, et hinc eidem vt Numen Tutelare praefuisse, sint arbitrati. Hinc nobis, iam id argumenti fumentibus, vt quaedam de Diis Artis Medicae Tutelaribus disputemus, tanta eorum offertur copia, tam insignis multitudo, vt profecto dubii haereamus, de quibus eorum praecipue agere praestet, cum de omnibus, hunc in censum referendis, iam pro dignitate exponere per angustiam temporis non liceat. Medicinae inuentionem Diis fuisse attributam, praeter CICERONEM a) aliosque, comprobatur etiam auctor ille, qui de *Veteri Medicina* edidit librum, qui plerumque HIPPOCRATI, sed falso, quod videtur τῷ Πάνυ CONRINGIO, b) adscribitur, et quidem his verbis: c) καὶ ὡς ἔφη
σας

a) *Tuscul. Quaest. Lib. III. Cap. 1.*

b) Vir consummatae eruditionis censet, scriptorem illius libri, antiquum quidem, sed minime Hippocratem, potius ex Acronis scholae sectatoribus vnum esse, quam sententiam tuetur in §. VII.

σαν αἰχὴν τὴν τέχνην Θεῷ προδίδου, ὡς καὶ νομίζεται. Haec vero non modo apud Graecos atque Romanos ita fuisse, sed Aegyptios etiam, Phoenicas, aliasque gentes complures, quam doctissime demonstravit Vir Cl. DAN. VINK, d) qui hos praecipue recenset, ab Aegyptiis maximam partem inventos, et inde ad Graecos atque Romanos delatos: HERMETEM, ISIDEM, SERAPIDEM, BACCHVM, ARABVM, et apud Romanos in primis et Atticos, APOLLINEM, AESCVLAPIVM, eiusdemque filias HYGEAM et PANACEAM, quibus commode adhuc addi poterunt, PALLAS siue MINERVA, DIANA, CHIRON, PROMETHEVS, atque TELESOPHORS, et si qui erunt reliqui.

§. II.

HERMES, Aegyptiis THOTH, nullus fuit alius, nisi Latinorum MERCVRIVS, pro Medicinae inuentore, e) et eiusdem Numine Tutelari a veteribus habitus, quod prius inter alios comprobatur satis luculenter FREINSHEMIVS, f) posterius autem haec testari videtur marmoris inscriptio: g)

DEO. MERC.
M. NONIVS. APR
VS. CARINVS
PRO. SALVTE. SVA
V. S. L. M.

quoniam non alios nisi Tutelares Medicinae Deos pro restituenda valetudine, et conseruanda salute implorare consueverunt, id, quod paullo inferius de marmoribus ISIDI, APOL-

A 3

LINI,

Dissertationis: De incubatione in fanis Deorum Medicinae causa olim facta. Helmstadii 1659.

c) Περί αἰχῆς ἱατρικῆς. in Opp. Hippoc. Tom. I. pag. 27. Ed. Lind.

d) In Sect. I. Cap. I. de Diis artis medicae inuentoribus, libri sui elegantissimi, qui inscribitur: Amoenitates Philologico-Medicae, in quibus Medicina a seruitute liberatur. Traiect. ad Rhen. 1730.

e) Conf. SCHVLZIVS in Hist. Med. Period. I. Sect. I. Cap. 1. §. 17. seqq. LE CLERC dans l'Histoire de la Medicine Liv. I. Chap. 5. et DAN. VINK in libr. ians laudat. Sect. I. cap. 1.

f) ad Curt. Lib. III. cap. 6. §. 17.

g) GRVTERVS MLXVII n. 13. Conf. REINESII Syntagm. Inscript. Cl. I. Inscript. LXXV.

LINI, AESCVLAPIO, HYGEAE, aliisque eiusmodi sacris, nobis fusius explicabitur.

§. III.

Ad ISIDEM quod attinet, quae Aegypti antiquissima fuit Regina, ab incolis pro Dea culta, ipsa se apud DIODORVM SICVLVM, h) ab HERMETE siue MERCVRIO artem Medicam didicisse profitetur his verbis: Ἐγὼ ΙΣΙΣ εἰμὶ ἡ Βασίλισσα πάσης χώρας, ἡ παιδευθεῖσα ὑπὸ ΕΡΜΟΥ Eandem artis Medicae inuentricem, Praesidemque fuisse, egregie confirmat TIBVLLVS: i)

Nunc DEA, nunc succurre mihi, nam posse MEDERI

Dicta docet templis multa tabella tuis.

Licet enim DEMPSTERVS k) cum aliis haec verba de naufragorum tabulis in eius fano suspensis explicanda putet, quod nauigii fuerit Praeses; contra tamen eundem variis ex locis euincit Cl. VINK l) ad *medicum officium* simul allusisse poetam. Eiusmodi tabulae exemplum refert REINESIVS: m)

ISIDI. ET. SERAP
SACRVM
EX. VOTO
PRO. FILIOLI. SALVTE
SVSCEPTO
SAVRANA. FECIT

Dicta hinc fuit *Salutaris*, vt est in inscriptione apud FABRETTVM: n)

I. S. I. P. D. M.
ISIDI. SALVTARI
PRO. SAL. Q. VERGILII
MODESTI. CASSIA. MAT.
V. S. D. O)

§. IV.

h) Lib. I. p. 23. edit. Laurent. Rhodoman. quae Hannouiae prodiit apud Wechel. MDCXV.

i) Lib. I. Eleg. III. v. 27.

k) In Paralip. ad ROSIN. Lib. II. Ant. Rom. cap. 2.

l) in lib. cit. cap. I. §. 6.

m) in Syntagm. Inscript. Class. I. n. CXXXII.

n) Inscript. Rom. cap. IV.

o) Conf. RICHARDVM MEAD in Dissertatione de nummis qui-

§. IV.

Quid ad Medicam artem inueniendam contulerit MAGNA MATER DEORVM, alias CYBELE dicta, hic sigillatim enarrare dubitauimus, quod nondum satis liqueat, ISISne cum CYBELE vna eademque Dea, diuersa tantum nomine fuerit, nec ne. Id saltem verisimile admodum est, quoniam vnum vtriusque numen, quod narrat MEAD p) sociatis in eodem simulacro symbolis, colebatur Romae in Circo Maximo, insigne capite turrito, leonem in sublimi agitans, et haec, quod satis constat, MAGNAE MATRI signa fuerunt propria, et sistrum manu attollens, ISIDIS alias quod semper et vbique nota characteristica esse consuevit. Quam sententiam egregie confirmare videtur MACROBIUS. q) *Quis ambigat, inquit, MATREM DEVM terram haberi? et paullo inferius: Nec in occulto est, neque alium esse OSIRIM, quam solem, nec ISIN aliud esse, quam terram, ut diximus, naturamue rerum.*

§. V.

SERAPIS siue APIS, vel OSIRIS, Rex antiquissimus Aegypti r) ab incolis pro Deo Maximo cultus, ISIDIS maritus, HERMETIS, vt CLERICO videtur, s) fuit aequalis, apud veteres ob inuentionem Medicinae satis inclutus, id quod plurimi scriptorum loci, nummi, et marmorum inscriptiones eidem dicatae, satis superque comprobant. Ita CICERO: t) *Qui igitur conuenit, aegros a coniectore somniorum potius, quam a Medico petere Medicinam? An AESCVLAPIVS, an SERAPIS, potest nobis praescribere per somnium curationem valetudinis?* Quod

busdam a Smyrnaeis in Medicorum honorem percussis. 1725. et BROVKHVSIVM ad cit. loc. TIBULLI.

p) *ibid. p. 56.*

q) *Saturn. Lib. I. cap. 21.*

r) *id. lib. cit. cap. 20.*

s) *Dans l'Histoire de la Medicine Part. I. Liv. I. Chap. 6.*

t) *Lib. II. de diuin. cap. 59.*

Quod etiam elucet e monumentis et marmoribus variis, quorum exemplum supra in ISIDE retulimus. v)

§. VI.

BACCHVS, Latinis qui plerumque LIBER PATER, et Graecis in primis ΑΥΑΙΟΣ atque ΔΙΟΝΥΣΟΣ vsurpatur, quem alii pro Osiride Aegyptiorum, x) alii pro Apolline siue sole vel pro Marte habent, y) vini inuentor, de quo satis constat, Medicus etiam celebratus fuit, id, quod pluribus classicorum scriptorum locis in vnum collatis, egregie confirmavit saepius laudatus VINK, z) et haec quoque testatur inscriptio: a)

PRO. SALVTE

P. ANNI. AMYCI. RVFI. ARAM.

LIBERO. PATRI

ASIAMENES

DONVM. DEDIT

C. P. A. A. R. F.

§. VII.

ARABVS, de quo hic loci, vt Deo Medicae artis inuentore et praefide, etiam dicimus, obscurum satis, ita si loqui fas erit, inter Gentilium Deos numen, Apollinis et Babylonis filius fuit, de quo PLINIVS ita: b) *Medicinam Aegyptii apud ipsos volunt repertam; alii per ARABVM, Babylonis et Apollinis filium* etc. Et praeter illum nullus alius, quantum ego quidem noui, et quod etiam notauit CLERICVS, c) ARABI mentionem fecit, de quo CELLARIJ singularem inuenies sententiam, quam sis conferre poteris. d)

§. VIII.

v) Conf. PLVTARCHVS in libro de *Iside et Osiride*. et DEMPSTERVS in *Paralip.* ad ROSIN. *Antiq. Rom. Lib. II. cap. 21. et 22.*

x) DIODORVS SICVLVS *Lib. I.* et PLVTARCH. *loc. cit.*

y) MACROBIVS *Saturn. Lib. I. cap. 19.*

z) in *cit. libr. cap. I.*

a) REINES. *Inscript. Cl. In. CCLXXII.*

b) *Hist. Nat. Lib. VII. cap. 56.*

c) *Dans son Histoire de la Medicine Part. I. Liv. I. Chap. 2.*

d) *Origin. et Antiq. Med. Cap. II. de AESCVLAPIO et CHIRO-NE §. 10.*

§. VIII.

DE PALLADE siue MINERVA, Medicae artis Praefide, tam innumera apud veteres occurrunt testimonia, vt fere superfluum esse videatur, eadem huc conferre, nisi haec tantum repetere iuuet, vbi ab auctoribus cognomine HYGEAE et PAEONIAE MINERVAE insignitur, quod vtrumque inuenitur apud PAVSANIAM. e) Immo κατ' ἐξ' αὐτὴν MINERVA MEDICA vocatur in marmore: f)

MINERVAE. MEDICAE

CABARDIAE

VALERIA. SAMMONIA

VERCELLESIS. V. S. L. M.

§. IX.

DIANA etiam, vt Dea Medicinae, fatis cognita est atque celebrata, et inde ΟΥΛΙΟΣ dicitur cum fratre Apolline, quod *salutiferam* significat, de cuius templis, et cultu diuino ob artem salutarem, cui praeesse credita fuit, fusius est apud iam saepius laudatum SCHVLZIVM. g)

§. X.

CHIRON CENTAVRVS, Saturni et Philyrae filius, h) clarior paullo fuit, eo saltim nomine, quod Aesculapium sibi traditum educauerit, et eundem artem docuerit Medicam, vt est apud APOLLODORVM. i) Illi a Magnetibus, quod refert PLVTARCHVS, k) primitiae oblatae fuerunt, quod primus Medicinam fecisse existimatus sit. Quod et comprobatur SVIDAS: ΧΕΙΡΩΝ ΚΕΝΤΑΥΡΟΣ, ὃς πρῶτος εὗρεν ἰατρικὴν διὰ Βετανῶν.

B

§. XI.

e) in Atticis.

f) Apud GRVTERVM MLXIX. n. 3.

g) in Hist. Med. Period. I. Sect. II. cap. I.

h) APOLLODORVS Lib. I. cap. 2. §. 4.

i) Lib. III. cap. 10.

k) Lib. III. Symp. Quaest. I.

§. XI.

Huic subiungimus iure meritoque PROMETHEVM illum, cum ob aliarum artium, tum Medicae in primis inuentionem inclutum, de quo ipse gloriatur apud AESCHYLVM. l) Et licet iste minus recte in numerum Deorum Medicorum multis referri videatur; id tamen recte et ordine fieri, quam plurimis additis caussis et rationibus, SCHVLZIVS m) egregie demonstravit.

§. XII.

TELESPHORVS, qui et ACESIVS et EVEMERION dicitur, non quidem proprie horum in numero esset recensendus, quia ille non ob artis inuentionem celebris est, sed hac potius de re, quod pro Deo cultus fuerit a morbis conualescentium, pluribus quod narrat BERNARDVS DE MONTFAVCON, n) qui eundem in veteri monumento inter AESCULAPIVM et HYGEAM medium collocatum exhibet.

§. XIII.

Nulli dubitamus, esse adhuc complura veterum numina, quae iure quodam his adscribi potuissent, sed cum iam, praeter omnem spem atque opinionem, ab argumento longius iusto nobis declinatum sit, magis rursus eo reflectendam esse orationem censemus. His itaque omnibus relictis, propius accedimus ad tractationis partem specialiore, ubi de PRINCIPIBVS tantum DIIS ARTIS MEDICAE TVTELARIBVS agere certum est. Vt ne vero aliquis de eo in nos inuchi possit, nos haec numina potissimum pro principibus cognouisse; sciatur oportebit, nos eos interim praecipuos sumfisse Deos, quorum nominum religione HIPPOCRATES o) Medicorum maximus, veteres Medicos ad fidem adstringi voluit, ita dato sacramento: "Ομνυμι ΑΠΟΛΛΩΝΑ ΙΗΤΡΟΝ, καὶ ΑΣΚΛΗΠΙΟΝ, καὶ ΥΓΕΙΑΝ, καὶ ΠΑΝΑΚΕΙΑΝ, καὶ Θεὸς πάντας, καὶ πάσας ἰσoras πειθόμενος. et reliqua. §. XIV.

l) in Tragoedia, cui nomen PROMETHEVS v. 454. seqq.

m) in Hist. Med. Period. I. Sect. II. cap. 1. §. 39.

n) Dans son Antiquité expliquée Part. I. Tom. I.

o) in Iureiurando p. 42. ed. Lind. Lugduni Batavorum 1665.

§. XIV.

Propius itaque iam accingimur ipsi tractationi, prius vero, quam id negotii facere adgrediamur, Beneuolus Lector monendus erit, nos non opus antea actum et iam occupatum, quod quibusdam fortassis primo intuitu ita videbitur, agere. Minime latet, his de Diis iam aliquam partem ex instituto disputasse Cl. MEIBOMIVM in elegantissima *Commentatione in Iusiurandum Hippocratis*, quae nobis etiam est ad manus; id tamen facile patebit, eum rem ita instituisse, ut quam plurima immisceret, quod eius pace dixerim, quae huc minus spectant, aliis e contrario huc pertinentibus omissis, immo ut pluribus leuioris momenti rebus iusto diutius inhaereret: licet id non possimus non confiteri, eius opus, quod reliquum, satis esse laboriosum. Ut iam taceam, nullam rem umquam tam perfecte, tam absolute dici, quin aliquid addere, et in ordine, vel alia quauis in re quiddam emendare possimus, quamuis id mihi hac in re non arroganter sumam atque attribuam, aliis potius iudicandum relinquens, quid mihi iam actum esse arbitrentur. Et haec tandem potissimum dicendorum instituetur ratio, ut non, quae undique corradi possent, in vnum cumulum colligamus, sed praestantioribus tantum demonstratis, quae rei sufficiunt explicandae, fontes primos accuratius suppeditemus, unde reliquorum vberior cognitio commodius poterit peti atque desumi.

§. XV.

Primus itaque omnium, qui recensendus obuenit, erit APOLLO, reliquorum, AESCULAPII nempe pater, HYGEAE et PANACEAE auus, quem veteres putauerunt superstitiosi. Fuerunt vero quondam eius nominis plures, nisi fabularum studiosa antiquitas, vnum et eundem, origine et officiis tantum eius varie narratis, pro variis fortasse habuit. Quatuor Apollinum ipse CICERO p) fecit mentionem, ex quibus, si qui fuerunt varii, tertius, Ioue et Latona natus, noster esse videtur. Facit nobiscum BERNARDVS DE MONTEFAV-

B 2

CON

p) de Natura Deorum Lib. III. c. 23.

con q) qui fex Apollines diuerfos ex CLEMENTE ALEXANDRINO refert: *D'autres auteurs, donnent à APOLLON des origines fort différentes; mais celui, que les poètes et tous les numens celebrent, est le fils de Jupiter et de Latone.* Iouis itaque et Latonae filius, cum sorore Diana in insula Delo natus est. r) Num iste vnus idemque fuerit, qui *Iunus* s) vel *Mercurius*, t) vt nonnulli existimant, iam non est res nostri iudicii, ideoque id aliis efficiendum relinquimus, de eo saltem transactum est, *Apollinem* et *Phoebum* siue *Solem*, esse eundem. Quatuor in primis rerum creditus fuit inuentor et praeses, artis cithara et lyra canendi, iaculis ferendi peritiae, vaticinii, et tandem ARTIS SALVTARIS, in quod vltimum iam diligentius paullo anquiremus. Vel ex nominis derivatione Grammatici absurde satis hoc vario modo extorquere contendunt, quando eum nomen habere dicunt ἀπὸ τῆ ἀπελθεῖν, v) quod *mala depelleret et morbos*, non ratione habita, veri esse longe similius, eius nomen iustius deduci posse, si, a quo verbo deriuetur, quid vrgeat necessitas, ab ἀπόλλυμι, quod *perdere* significat, quae etiam est non nullorum sententia, Sed de hoc, quod libet et quod satis, Critici transigant, praecipue, quo tandem modo Apollini id nomen inde deductum conuenire putent, vt auguri, vt Musices inuentori. Veteres eidem adsignasse artis Medicae inuentionem, et eum hac de re summa coluisse religione, ex innumeris monumentis et locis colligere erit. x) Duarum vero partium

q) *Dans l'antiquité expliquée Tom. I. Part. I. Liv. III. chap. 3.*

r) OVIDIVS *Metamorph. Lib. VI. v. 189. seqq.*

s) MACROBIVS *Lib. I. Saturn. cap. 9.*

t) *Idem l. c. cap. 19.*

v) Variarum huius hominis origines longius petita, et satis ridiculae inueniuntur apud eundem MACROBIUM *l. c. cap. 17.* Sententiam adhuc EVSEBII saltem de eius nominis ratione addere liceat, qui Apollinem dici existimat, ὡς ἀπαλλάττων καὶ ἀπελὺων τῶν περὶ σῶμα νοσηματικῶν παθῶν. *Lib. III. Praeparat. Euangel. cap. 1.*

x) BARO HERBERT DE CHERBURY in libro: *De Religione Gentilium, errorumque apud eos causis. p. 171. seqq.*

tium in primis Medicinae inuentor creditus fuit, *Medicinae oculariae*, y) et *Botanices* siue *artis herbariae*. z) De eo ipse gloriatur apud OVIDIVM:

*Inuentum MEDICINA meum est, opiferque per orbem
Dicor, et HERBARVM est subiecta potentia mihi.*

Rem satis declarant innumera, quibus insignitus fuit, cognomina. Ita pluribus in locis ΙΑΤΡΟΣ dictus fuit, vt est inter alios apud lepidissimum fabularum scriptorem, ARISTOPHANEM, a) vbi Carion seruus de eo ita conqueritur:

τῷ δὲ Λοξίῳ
Ὅς θεσπιωδῆι τρίποδος ἐκ χρυσηλάτῃς
Μέψιν δικάζαν μέμφομαι ταύτην, ὅτι
ΙΑΤΡΟΣ ὢν καὶ μάντις, ὥς φασιν, σοφὸς
Μελαγχολῶντ' ἀπέπεμψε, μετὸν δεσπότην

Deinceps inter alia, quorum millia circiter enumerat LILIVS GYRALDVS, b) nomina, haec etiam habuit, vt diceretur praecipue Atheniensibus ΑΛΕΞΙΚΑΚΟΣ, c) Eleis ΑΚΕΣΙΟΣ, ΟΥΑΙΟΣ Milesiis et Deliis, ΠΑΕΑΝ Romanis, et quae sunt eiusmodi infinita alia, de quibus omnibus apud illum redditis rationibus inuenitur. ΙΗΙΟΣ et ΣΩΤΗΡ SOPHOCLEID) nominatur, ΑΚΕΣΤΩΡ dicitur EVRIPIDI. e) Commode hic loci addi poterit locus MACROBII: f) *Sed et Lidii colunt APOLLINEM ΛΟΙΜΙΟΝ; hoc cognomine finita pestilentia nun-*

B 3

cupa-

y) HYGINVS *Fabul. Lib. I.* de quo loco CLERICVS: Dans l'Histoire de la Medicine Part. 1. Liv. 1. chap. 7. Hyginus y entend bien plus de finesse, lorsqu'il dit, qu'Apollon a été le premier Medecin oculiste; faisant allusion à la clarté du soleil, et à ce que les poetes appellent oeil du monde.

z) OVIDIVS *Metam. I. v. 521.*

a) *in Pluto Act. I. Sc. I. v. 8. seqq.* vbi vid. Scholia in locum eundem.

b) *in Hist. Deor. Gent. Lib. VII.*

c) VAILLANT *in Num. aer. Imp. Rom. Part. II. in num. M. Iul. Philippi Sen.*

d) *in Oedipo Tyranno.*

e) *in Andromacha v. 900.*

f) *Lib. I. Saturn. c. 17.* Conf. in primis IOAN. HENR. MEIBOMII elegantissima commentatio *in Iusiurandum Hippocratis c. IV.*

cupatum. Eadem opinio, pergit, SOSPITALIS et MEDICI DEI, in nostris quoque sacris fouetur. Namque virgines Vestales ita indigitant: APOLLO MEDICE, APOLLO PAEAN. Hic a permultis melioris notae scriptoribus disertis verbis artis Medicae inuentor celebratur, uti est apud PINDARVM: g)

Ὁ καὶ βαρεῖαν νόσων
Ἀκέσματ' ἀνδρεσσιν καὶ
Γυναῖξιν νέμει.

Item artem salutarem ab Apolline inuentam et cum posteris communicatam, ita demonstrat EURIPIDES: h)

ὅσα ΦΟΙΒΟΣ

Ἀσκληπιάδαισιν παρέδωκε
Φάρμακα πολυπόνοισ
Ἀντιτεμῶν βροτοῖσι.

Inde etiam *ars Medica* OVIDIO absolute dicitur *ars Apollinea*, i) et alio in loco *Phoebea*. k) Hoc etiam Apollini attributum inuenimus in recensione egregia quatuor eiusdem munerum apud HORATIVM: l)

*Augur et fulgente decorus arcu
PHOEBVS, acceptusque nouem Camenis,
Qui SALVTARI leuat ARTE fessos
Corporis artus.*

Huc conferri poterit, veteres credidisse, Apollinis in potestate esse positum, ut pro lubitu iratus regiones et vrbes morbis puniret, quod notat SERVIVS, m) his verbis: *Notandum sane, APOLLINE offenso, pestilentiam creari semper, quod etiam Homerus ostendit, cum eum armatum inducit sagittis.* Comprobant id porro inscriptiones, Apollini ob recuperandam salutem sacrae, eiusdem imagines, quibus varii veterum nummi signati fuerunt, et, tandem simulacra passim occurren-

g) *Pyth. Od. V. v. 85.*

h) *in Alcest. v. 969.*

i) *Lib. III. Trist. El. III. v. 8.*

k) *Lib. III. Fast. v. 827.*

l) *in Carmine Saeculari v. 60.*

m) *ad VIRGILII Aen. Lib. III. v. 138.*

currentia. Eiusmodi inscriptionem, quae Legioni existat, oppido Infubrum, refert MEIBOMIVS, n) vbi tamen, cum ille locum, vnde desumpta est, citare dubitauerit, sit fides penes auctorem:

S A C R V M
N V M I N I
A P O L L I N I S
L. N A E V I V S
S E C V N D I N V S
P R O . S A L V T E . S V O R V M
T . V . M . V .
V . S . L . M .

Sed haec fortassis maiori fide digna est, quam debemus REIN-
NESIO: o)

A P O L L I N I . I N V I C T O
E X . V O T O
P R O . S A L .
D . N . T I . C L A V D I . A V G .
F L O R E N T I S S I M I . P R I N C I P .
C . I V L I V S . S C Y L E R O S . V . C .
A V G . N . P R O C .
V . C V R

Ad nummos vero quod attinet eiusdem imagine consigna-
tos, exempla plura occurrunt apud RICHARDVM MEAD, p)
vbi sistitur dextra herbam, sinistra citharam gerens, habens
nomina ibidem CONSERVATORIS, q) et in alio SALVTA-
RIS, r) si quid MEAD in recensendis nummis suis omni ex
parte fidem habere decet, de quo dubitatur. Hic vero in
nummis, vt Apollo Medicus, non laurea, sed strophio re-
vinctus conspicitur, quod idem demonstrat MEAD, qui et
causam addit, quam ex PLVTARCHO sibi inuenisse vide-
tur. s) Palmam quoque Apollini sacram fuisse, testatur CHER-

BVRV

n) *in libr. cit. cap. IV.*

o) *Cl. I. Inscript. CCXLIX.*

p) *in nummis a Smyrnaeis in honorem Medicorum percussis p. 48.*

q) *Idem lib. cit. Tab. III. n. 17.*

r) *Idem Tab. III. n. 12.*

s) *Idem p. 47. ex PLVTARCHI sympos. Lib. IX. quaest. 14.*

BURY, t) et quidem ex IULIANO Imperatore, licet ille causam non addiderit, vtrum ob artem Medicam, an alia de re illi haec arbor sacra fuerit habita. Plurima eius inveniuntur simulacra, vbi pingitur et fingitur vt iuuenis imberbis qualemcunque ob causam, licet singulare et contrarium aliquid afferat ex LVCIANI *dialogis* MEIBOMIVS, v) vbi ei serpens, semper artis Medicae signum, quod in omnibus fere, de quibus iam ordine dicturi sumus, Diis adiunctum esse animaduertemus, appositus conspicitur. Quod ita testatur MONTFAUCON: x) *Ont le voit quelques fois avec un serpent, comme auteur de la Medicine, dont le serpent est la marque.* Retulit idem paullo inferius eodem in loco aliud quoddam marmor, quod Romae inuenitur, y) eius imaginem ita insculptam habens: *Le bel Apollon de Belvedere à demi nu, porte un manteau sur l'épaule, il s'appuie de la main gauche sur un tronc d'arbre ou est un serpent, symbole de la Medicine.* Cum vero *Serpens* pro generali atque communi *Medicinae* signo habeatur, iam de eo quid nonnulli censeant, qualemque eius rei rationem esse putent, paucis enarrare liceat. LILIVS GYRALDVS, z) hanc esse causam existimat, quod serpens pluribus morbis obsit atque officiat, et multis remediis secundum PLINIVM sit utilis, vel quod, sicut serpens, vt nonnulli putant, pellem mutando sese renouet; homo quoque per Medicinam ceu renouetur, nouumque corpus remediis operantibus nanciscatur. Serpentem autem plurium Deorum signum fuisse, propter animalis huius felicitatem, vigilantiam, salutem, potentiam, exponit eruditissimus CELLARIVS, a) licet ego non satis assequi valeam, quatenam sit singularis

t) In libro de religione Gentilium errorumque apud eos causis p. 173.

v) in loc. cit. cap. IV. §. 20. 21.

x) Dans l'Antiquité expliquée Part. I. Tom. I. Liv. III. Chap. 3.

y) DAN. VINK in libr. cit. Cap. I. §. 12. *Exstat hodie Apollinis Medici simulacrum marmoreum Romae in hortis Pontificis secretis, loco, quem Belvedere vocant, excellens artificis Graeci opus, teste MEIBOMIO.*

z) in Histor. Deor. Gent. Lib. VII. a) in Orig. et Antiq. Med. c. II. §. 6.

singularis serpentis felicitas, et quae reliquae eius narrantur virtutes, vt hinc Diis pro signo et nota apponeretur. Occurrunt etiam *templa* permulta Ἀπολλωνία vulgo dicta, in quibus Apollo Medicus cultus fuit. In Graecia duo fuerunt celebratissima, vnum Delphicum, in quo Hippocrates aeneum hominis sceleton Apollini dedicasse dicitur, b) alterum in insula Co, vbi ad eius aram morbi et media, quibus sanitas instauretur, examinata fuerunt, morbi genere, symptomatisque descriptis, c) in quo ius etiam asyli fuit, pluribus narrante TACITO. d) Nec minus celebres fuerunt aedes Apollini sacrae apud Romanos, ob impetrandam valetudinem publicam votae, et dedicatae, testante LIVIO: e) *Pestilentia eo anno aliarum rerum otium praebuit, aedes Apollini pro valetudine populi vota est.* Qui et alio in loco fecit mentionem aedis Apollinis Medici ad Tiberim. f) *Ad ludos Apollinares* quod tandem attinet, vnde nomen acceperint, paucis hic annotare iuuat, eos nimirum non valetudinis causa institutos fuisse, iussu carminis alterius Marciani, quod origine et causis demonstratis exponit LIVIUS his verbis: g) *Haec est origo LVDORVM APOLLINARIVM: victoriae, non valetudinis ergo, ut plerique rentur, votorum.* Athenienses Gymnasium suum Apollini Medico dedicasse, auctor est PLUTARCHVS, h) eius rei qui hanc rationem esse putat: Οὐδὲ Ἀθηναίοις εἰκός ἐστιν ΑΠΟΛΛΩΝΙ καθερῶσαι τὸ γυμνάσιον ἀλόγως καὶ αὐτομάτως. Ἀλλὰ παρ' οὗ τὴν ὑγίειαν ἔχομεν Θεῶ, τῆτον εὐεξίαν τε δίδοναι καὶ ῥώμην ἐπὶ τὰς ἀγῶνας ὥοντο. De numero septenario eidem variis de causis, et praecipue ob Medicinam, sacro, multa disputant MEIBOMIVS, i) et MEVRSIVS. k)

C

Et

b) PAUSANIAS in Phocicis,

c) MEIBOMIVS in comment. ad iusiur. Hip. Cap. IV. ex DIONIS Cap. I. refert.

d) Annal. Lib. III.

e) Lib. IV. cap. 25.

f) Lib. XL. cap. 51.

g) Lib. XXV. Cap. 12.

h) Sympos. Lib. VI. Quaest. IV.

i) in Comment. ad iusiur. Hip. Cap. IV. §. 15.

k) in libro de Denario Pythagorae. Conf. POLLVC. Onomasticon Lib. IV. Cap. 25. Segm. 178. edit. Hemsterhuisii.

Et haec de APOLLINE, *artis Medicae inuentore*, eiusdemque Numine Tutelari sufficiant.

§. XVI.

Ordine iam progredimur a parente Apolline, ad filium AESCULAPIVM, Graecis ΑΣΚΛΗΠΙΟΝ, qui etiam Latinis imitatione Graecorum ASCLEPIVS dictus est, item artis Medicae inuentorem et praesidem. Vel nomen ipsum id propria sua vi designare, multis et praecipue *SVIDAE* l) visum est, sed, qui id censent, videant, qua ratione id nominis aliis etiam conuenire posse credant, non arte medendi inclutis, m) vel etiam ipsi, alia quoque munera gerenti. Non enim solum artis Medicae praeses fuit, sed augurii etiam et diuinationum, id, quod egregie testatur *GR. LIL. GYRALDVS*. n) Nunc diligentius nobis dispiciendum erit, de quo iam Aesculapio verba sumus facturi. Tres enim huius nominis apud veteres fuisse, pluribus commemorat *CICERO*, o) nisi fortassis etiam in Aesculapium eadem conueniunt, quae supra de Apolline asseruimus, vnum nempe eius nominis procul dubio fuisse, quem deinceps varie ortu et munere explicato pro diuersis habuerint. Hoc adfirmantes, eo praecipue nitimur fundamento, quoniam in singula recensione singuli Aesculapii apud *CICERONEM*, eiusmodi aliquid commune descriptum sentimus, quod ad Aesculapium, artis Medicae inuentorem, commode applicari possit. Sed quisquis tandem ex iis, varii si fuerint, erit, fabulosa saltem et satis incerta omnia de eiusdem origine produntur. Alii, quos inter princeps *TARQVITIVS*, p) existimant, illum incertis parentibus natum, expositum, et a venatoribus inuentum, lacte nutritum canino, Chironi traditum fuisse, a quo postea artis Medicae cognitionem percepit, eundemque proprie Messena, Peloponnesi vrbe, esse oriun-

l) Ασκληπιιάδης edit. *Küsteri* T. 1. p. 351.

m) De origine nominis legi merentur, quae contra *BARTHIVM* disputat *REINESIVS* Var. Lect. Lib. III. cap. 17.

n) in *Historia de Diis gentium* Lib. VII.

o) Lib. III. de Nat. Deor. cap. 22.

p) Differens de viris illustribus, ut est apud *LACTANTIUM*.

oriundum; Alii vero, et hi superstitiosiores, eum credunt Apollini vaga libidine esse susceptum, q) Diis enim veteres, nec libidinem, nec incestum, turpitudini esse sibi persuaferunt, ex filia Phlegyae cuiusdam, partis Boeotiae regis, Coronide dicta, siue, vt alii putant, Arsinöe quadam, licet, si SCHOLIASTAE PINDARI r) fidem habere decet, haec vna eademque fuerit. Isti saltem prius asserentes, non ita longe a vero aberrasse videntur; satis enim superque constat, veteres plerumque iis diuinam assignasse originem, quorum ortus incertus, humilis, atque obscurus fuit, et quorum tamen insignia rem in publicam exstiterunt merita, vt vel ipsi primi vrbis conditores, Romulus et Remus, poterunt esse exemplo. Ad locum vero quod attinet, vbi in lucem editus fuit, cum ab aliis, tum a BAYLE s) in primis ita designatur: *On dit, que sa fille Coronis, qui l'accompagnoit (Phlegyas) accoucha en ce tems la d'ESCVLAPE proche d'Epidaure.* De Aesculapii ortu et natali loco ita est apud poëtarum facile principem HOMERVM: t)

Ἰητῆρα νόσων ἈΣΚΛΗΠΙΟΝ ἀρχομ' αἰεῖδεν
 Ὑῖόν Ἀπόλλωνος, τὸν ἐγένετο δῖα Κωρονίς
 Δωλιῷ ἐν πεδίῳ, κέρη Φλεγύς Βασιλῆος.

Alii contendunt, eum non a matre viuente esse exclusum, sed potius ex vtero matris mortuae, et iam in rogo collocatae, vt combureretur, esse in summo tempore eductum, ipso patre Apolline, munus obstetricium obeunte, ita quod OVIDIUS v) fusius demonstrat:

*Non tulit, in cineres labi sua Phoebus, eosdem
 Semina. Sed natum flammis, vteroque parentis
 Eripuit; geminique tulit Chironis in antrum.*

Curiosam satis de origine Aesculapii sententiam, inter alias sic recenset BERNARDVS DE MONTFAUCON: x) *D'autres parlent*

C 2

q) PAUSANIAS in Corinth.

r) Pythior. Od. III.

s) Diction. Critiq. et Historiq. Tom. III. sous le nom de PHLEGYAS.

t) in Hymno in AESCVLAPIVM.

v) Lib. II. Metam. v. 628.

x) Dans son Antiquité expliquée Tom. I.

parlent encore bien differemment de l'origine, et de la naissance d'Esculape. Comme sa mere s'appelloit Coronis, qui est le nom propre d'une Nymphé, et en meme tems celui de la corneille, quelques uns ont crû, qu'Esculape etoit né d'un oeuf de corneille, et qu'il en etoit sorti sous la figure de serpent. y) Hinc omnino profectum esse videtur, vt in nummis veterum, aliisque in locis, serpens simplex positus, semper absolute Aesculapium significet. Nummorum ita signatorum, duplex exemplum egregium occurrit apud RICHARDVM MEAD. z) Fuit hic Aesculapius, vel a patre Apolline, a) vel a Chirone Centauro, b) eruditus, tam peritus artis Medicae, vt vel vita defunctos a morte, si Diis placet, excitare potuerit, c) quo sibi Iouis iram concilians, quod omnem naturae ordinem inverteret, fulmine percussus, ad inferos fuit detrusus, quam totam fabulam VIRGILIUS ita refert: d)

Namque ferunt fama, Hippolytum, postquam arte novae

*Occiderit, patriasque expleret sanguine poenas,
Turbatis distractus equis, ad sidera rursus
Aethera, et superas coeli venisse sub auras,
Paeoniis reuocatum herbis, et amore Dianae
Tum pater omnipotens, aliquem indignatus ab umbris
Mortalem infernis ad lumina surgere vitae,
Ipse repertorem Medicinae talis et artis,
Fulmine Phoebigenam stygias detrussit ad undas.*

Sed

y) Hac de fabula passim occurrit in LUCIANI Dialogis.

z) p. 40. n. 8. 10. et Tab. III. n. 8. 10.

a) ὁ πᾶν SPANHEMIVS de Praest. et usu Numism. Tom. I. p. 215.

b) HOMER. II. Δ v. 219. et PINDAR. Pyth. od. III. v. 96.

c) DAN. VINK in libr. cit. cap. 1. §. 13. Monendum est, veteres tantum per hyperbolen sic locutos fuisse, vt AESCVLAPII, ceterorumque magnorum Medicorum excellentem in artis operibus industriam extollerent, qui morbo victis, deploratis, et iamiam morituris, in summa desperatione positis, et tantum non conclamatis, salubribus remediis succurrerent, et veluti exitum iam agitantis animae obstarent, adeoque de letaliter adfectis cum DIOD. SIC. Lib. IV. cap. 73. intelligendum est.

d) Aeneid. Lib. VII. v. 765. seqq.

Sed a morte reuocatus, a patre Apolline, e) vt ferunt fabulae, in numerum Deorum relatus est, vel potius gratia Iouis, Apollini blandientis, astris fuit insertus, OPHIVCHVS appellatus, vt ex ERATOSTHENE quodam SALOMON CELLARIVS demonstrat. f) PAVSANIAS quidem in *Corinthiacis* contendit summo opere, Aesculapio semper fuisse diuinitatem, sed eundem satis confutarunt LILIVS GYRALDVS, g) et Cl. SCHVLZIVS. h) Aesculapium potius, quod veri simillimum est, ob insignia artem in Medicam merita, Deorum in numcrum relatum fuisse, existimat excellentissimus ille C. CELSVS, i) Deus Medicorum CASAVBONO dictus. LACTANTIUS k) compendiaria quadam ratione de eiusdem ortu, exitu et meritis his verbis haud ita honorifice exponit: *Aesculapius et ipse non sine flagitio Apollinis natus, quid fecit aliud diuinis honoribus dignum, nisi quod sanauit Hippolytum? mortem sane habuit clariorem, quod a Deo meruit fulminari.* Illum Medicinam Gymnasticam primum inuenisse, et Clinicen, quam vocant, de eo quidem nobis nondum ita effectum ex scriptorum locis esse videtur, vt id cum Cl. VINK l) liquido affirmare conaremur, licet non desint exempla, quibus eundem vtramque exercuisse partim probetur. m) Ad cultum eius diuinum quod attinet, DEMPSTERVS n) contendit, eum primum fuisse apud Scythas, et hinc eiusdem nomen atque cognitionem dimanasse. Quidquid huius erit, id saltem certum est, eum apud Graecos atque Romanos ea religione, vt Deum Medicum, fuisse cultum, vt

C 3

octo-

e) MORERI dans son *Diction. Histor.* Tom. I. sous l'article d'Esculape.

f) *Origin. et Antiq. Medicinae cap. II.*

g) *Histor. Deor. Gent. Lib. VII.*

h) *Hist. Med. Period. I. Sect. II. cap. 4. §. 4.*

i) *Medic. Lib. I. in prooem.*

k) *Diuin. Instit. Lib. I. cap. 10.*

l) *in saepius laudati libri cap. 1. §. 13.*

m) *HIERON. MERCVR. Lib. IV. de arte Gymn. cap. 7. GALENVS Lib. I. de sanit. tuend. cap. 8. HYGINVS Fab. CCLXXIV.*

n) *in Paralip. ad ROSIN. Antiq. Rom. Lib. II. cap. 17.*

octoginta circiter *templa* variis in locis exstructa haberet, ASCLEPIEA dicta, quae recenset ex scriptoribus collata Cel. SCHVLZIVS. o) Quibus in templis sacra eidem facta fuerunt *capra*, p) et *gallinis*, q) obiter quod hic notare voluimus. His in aedibus Aesculapio sacris, vt etiam in iis aliorum Deorum artis Medicæ Tutelarium, Ifidis, Serapidis, immo etiam Vulcani, aegroti collocati fuerunt, in pellibus substratis iacentes, docente VIRGILIO, r) vt Dei oraculum Medicinae causa consulerent, quem actum veteres Graeci vocarunt ἐγκοίμηση, Latini *Incubationem*, id, quod pluribus illustrauit eruditissimus CONRINGIVS. s) Iidem deinceps dato Dei consilio conualescentes, donaria eidem collocarunt, Graecis ἀναθήματα, grati memorisque animi monumenta, tabulis etiam in templo suspensis, quibus morbus fuit inscriptus, quo quis laborasset, medicinae facta mentione, qua iste fuisset curatus, cuiusmodi plura egregia occurrunt exempla in primis apud HIERONYMVM MERCVRIALEM. t) Celeberrima certe *templa* esse videntur, *Coum*, *Smyrnaeum*, *Epidaurium*, et hinc eius cultu Romam translato, ipsum *Romanum*. Hanc vero Dei ex Graecia in Latium migrationem, fusius exponit VALERIVS MAXIMVS, v) immo omnium optime LIVIVS, qui eundem iussu librorum Sibyllinorum huc arcescitum, Romamque translatum esse memorat: x) *Cum ciuitas*, inquit, *pestilentia laboraret*, *missis legatis*, vt *AESCVLAPII signum Romam ab Epidauro transferrent*; *anguem*, qui se in eorum nauem contulerat, in quo ipsum numen esse constabat, *deportauere*: eoque in insulam Tiberis egresso, eodem loco sedes Aescu-

o) *Hist. med. Period. I. Sect. II. cap. 4. §. 6.*

p) SERVIVS ad VIRG. *Georg. Lib. II. v. 380.*

q) ALEXANDER ab ALEXAN. *Genial. Dier. Lib. III. cap. 12.*

r) *Lib. VII. Aeneid. v. 85. et 92.* Vid. SERVIVS ad h. l.

s) *de Incubatione in fanis Deorum Medicinae causa olim facta.* Helmstadii 1659. Conf. VINK *Amoen. Phil. Med. cap. V.*

t) *De arte gymnastica Lib. I. cap. 1.* Conf. TOMASINI *Liber singularis de Donariis et tabellis votiuus in GRAEVII Thesaur. Antiq. Rom. Tom. XII. p. 746.*

u) *Lib. I. Cap. VIII. de Miraculis.*

x) *In Epitome Lib. XI.*

Aesculapii constituta est. Cur templum Aesculapii apud Romanos extra urbem collocatum fuerit, rationes. eleganter disquirat PLVTARCHVS. y) Supplicationem Aesculapio a Romanis habitam narrat idem paullo ante. z) Insula Tiberis postea *insula Aesculapii* κατ' ἐξοχήν vocatur, quod ex hoc SVE-
TONII loco apparet: a) *Cum quidam aegra et affecta mancipia in INSVLAM AESCVLAPII taedio medendi exponeret, etc.* Designant eum etiam vt Deum artis Medicae inuentorem et Tutelarem, quam plurima nomina, quibus praeditus fuit, simulacra eius, imagines in nummis, inscriptiones ei sacrae, ludi, et festi dies publice constituti, et si qua reliqua erunt rei probandae argumenta. Ex cognominibus praecipua hic loci nominasse licebit. b) Dicitur PINDAROC) παντοδα-
πῶν ἀλεκτῆρς νόσων. STATIVS d) eundem vsurpauit De-
um mitem, et maximum aegris auxiliatorem, et festinantia
sistentem fata. ARISTOPHANES e) Deum nostrum vocauit
μέγα βροτοῖσι Φάνος. Smyrnaei Aesculapium, rerum omnium
potentem somniantes, ΔΙΑ ΑΣΚΛΗΠΙΟΝ nominarunt. f)
PLVTARCHVS tandem eum insigniuit nomine magnifico g)
ἡγεμόνος ἰατρῶν. Pingitur et fingitur plerumque facie senili, bar-
ba longius promissa, de qua lusus impius Dionysii Tyranni
apud

y) *Quaest. Rom. p. m. 286. interprete Xylandro.*

z) *Lib. X. cap. 47.*

a) *Lib. V. in vit. TIB. CLAVD. CAES. cap. 25.*

b) Plurima huiusmodi inueniuntur apud LILIVM GYRALDVm,
in histor. Deor. Gent. Lib. VII.

c) *in Pyth. Od. III.*

d) *Lib. III. Siluar. Carm. 4.* Huc referendum erit DEMOSTHENEM
oratorem, iurare consueuisse per Aesculapium, vt Deum mitem
sic narrante PLVTARCHO in *decem Rhetorum vitis p. m. 845.* "Ωμνυε
δὲ (Demosthenes) καὶ τὸν ΑΣΚΛΗΠΙΟΝ, προπαροξύνων Ἀ-
σκληπίον, καὶ παρεδείκνυεν αὐτὸν ὁρθῶς λέγοντα, εἶναι γὰρ τὸν θεὸν
ἡπίον. καὶ ἐπὶ τῷ πολλοῖς ἐδορυβήσθη. Conf. ADAMI RE-
CHENBERG: *Dissertatio, de Diis Deabusque veterum gentilium*
Milichis. Lipsiae MDCIC. Sect. II. cap. II. §. 7.

e) *in Pluto. ubi chorus ad Carionem Act. III. Scen. I. v. 639. Conf.*
BISETVM *ad locum eundem.*

f) RICHARDVS MEAD *de num. Smyrn. p. 52.*

g) *Sympos. Lib. VIII. quaest. 14.*

apud CICERONEM refertur, h) licet etiam imberbis specie iuuenili apud quosdam inueniatur, teste PAVSANIA; i) vel stans baculo nodoso nitens, quem serpens cingit, artis Medicae signum, vt supra declarauimus, vel in throno sedens magnifico, vt fuit apud Epidaurios, quod scribit PAVSANIAS, k) altera manu gerens scipionem, altera premens caput draconis, cane ad pedes decumbente. Omnia haec, quae iam simulacris Aesculapii adiuncta recensuimus, esse notas, quae illi Medicinae gratia addantur, plurimi putant, sed cum coniecturae sint magis, quam vt certum aliquid in iis definire liceat, non dignum iudicamus, cui diutius inhaereamus dicendo. Singulorum singulas rationes ex auctoribus conquisiuit atque suppeditauit diligentissimus MEIBOMIVS, l) quem sis huc conferre poteris. In nummis Smyrnaeis RICHARDI MEAD, plures etiam inueniuntur, Aesculapii imagine varie signati, ita quidem, vt plerumque Hygeam filiam in altera parte adiunctam habeat, quod etiam in variis aliis monumentis et marmoribus illi dicatis animaduertimus, de qua quidem re paullo inferius sumus adhuc quaedam disputaturi. Sistitur in iis maximam partem sedens, caput strophio reuinctum habens, palliatus, smilam, id est, gladiolum chirurgicum manu sinistra gerens, dextra labiis adplicata, baculo longiori adiuncto, stella ante eius pectus collocata, vt est in illo, Smyrnae eo tempore percussio, quo ludi annui illic ederentur, *sacri Aesculapici* vocati, m) partim stans cum Hygea et Telesphoro, n) et qui sunt reliqui modi. o) Dantur etiam alii nummi Aesculapii imagine insigniti apud Neapolitanos, Damascenos, Dienes, Deultanos, cuiusmodi apud hos vltimos percussi, et M. Iul. Philippo Seniori consecrati refert exemplum VAILLANT, p) hanc addens rationem, Philippum fortassis in bello Scythico aegritudinem passum esse, pro cuius salute Deultani Aesculapio

h) *de Nat. Deor. Lib. III. cap. 34.*

i) *in Corinthiacis. Conf. GISBERTI CVPERI Harpocrates p. 79.*

k) *in Corinthiacis.*

l) *in Commentario ad iusiurandum Hippocratis cap. V.*

m) RICHARD. MEAD. *in num. Smyrn. p. 42. Tab. L. n. 1. 2. 3. 4.*

n) *ib. Tab. III. n. 13.*

o) *ib. Tab. II. n. 3. Tab. III. n. 8. 9. 10. 15. 16.*

p) *in num. aer. Impp. Part. II. in numm. M. Iul. Philippi, Senioris.*

lapis, qui cum patre Apolline vrbis Deultanae Deus Tutelaris fuit, sacra perpetraverint. Si cui Deo artis Medicae Tutelari plurima vota facta fuerunt inscriptionibus, id sane accidit Aesculapio. Ita apud GRVTERVM in lapide cum Hygea filia dicitur ΕΠΙΚΟΥΡΙΟΣ: p)

Κ Τ Ρ Ι Ω . Α Σ Κ Λ Η
Π Ι Ω . Κ Α Ι . Υ Γ Ι Η
Θ Ε Ο Ι Σ . Ε Π Ι Κ Ο Υ Ρ Ι Ο Ι Σ
Μ Α Ρ . Μ Ε Μ Μ . Λ Ο Ν
Γ Ο Σ . Β Ε Ν Ε Φ . Ε Υ Χ Η Σ
Χ Α Ρ Ι Ν . Α Ν Ε Θ Η Κ Ε Ν

Et in alio monumento vocatur, vt et Hygea, SALVTARIS, q)
et in alio ΣΩΤΗΡ: r)

Α Σ Κ Λ Η Π Ι Ω
Κ Α Ι . Υ Γ Ε Ι Α
Σ Ω Τ Η Ρ Σ Ι Ν
Π Ο Λ Ι Ο Υ Χ Ο Ι Σ

Aesculapium in inscriptione quadam ΦΙΛΑΝΘΡΩΠΟΝ vocatum, insigni antiquae eruditionis apparatu demonstrauit Cl. SCHWARZIVS, vir numquam sine honore nominandus. s) Ludorum et dierum festorum ei consecratorum passim fit mentio apud veteres auctores, quorum locos nonnullos collegit CELLARIVS. t) Ludi in AESCVLAPII SERVATORIS honorem instituti, in luco eidem Deo sacro iuxta Epidaurum celebrati sunt. v) Huc referenda erunt CVRTII verba: x) *Vota deinde, inquit, pro salute suscepta*
D per

p) p. LXVIII. n. 6.

q) p. LXXIX. n. 2.

r) p. LXVIII. n. 5.

s) in elegantissima Expositione veteris inscriptionis: *De Aesculapio et Hygea, Diis Φιλανθρωποις*. Altorsii 1725.

t) *Orig. et Antiq. Med. cap. II.*

v) SCHMIDIUS ad Pindar. Nemean. Od. III. in fine et Od. V.

x) *Lib. III. cap. 7. §. 3.*

per ludum atque otium reddens ostendit, quanta fiducia Barbaros sperneret; quippe AEscVLAPIO, Mineruae LVDOS celebrauit. Festum anniuersarium apud Coos in eius honorem institutum, Παῖδος ἀνάληψιν dictum, fufius exponit Illuftris SPANHEMIVS. y) Fuit etiam collegium quoddam peculiare Romae, Aesculapio et Hygeae filiae constitutum, quod ex SPONIO refert doctiffimus SCHWARZIVS, z) qui hoc fingulare de eo adiungit: Cui COLLEGIO Salvia Marcellina, inquit, nobilis opulentaque matrona, locum aediculae, et summam pecuniae non contemnendam dederat, vt focietas LX. hominum certis anni diebus eam aediculam frequentaret, et in ea rebus diuinis, epulisque follemnibus, defungeretur.

§. XVII.

Aesculapius habuit etiam vxorem quandam Epionem, Herculis filiam, hoc enim a natura Deorum haud alienum esse putauerunt, vel vt aliis videtur, Lampetiam, a) ex qua, quaecunque fit, duo fufcepit filios, Podalirium et Machaonem, b) item ob artis Medicae peritiam celeberrimos, et sex filias, vt plerumque narratur, HYGEAN, PANACEAN, Iaso, Acefo, Aeglen et Romen, quibus omnibus ab artis officiis vel emolumentis, Patrem nomen indidiffe, ex SCHOLIASTE in ARISTOPHANIS Plutum MEIBOMIVS colligit, c) quod etiam veri fimile admodum est, fi quando diligentius in ipforum nominum primam et propriam vim et potestatem inquirimus, in omnibus enim aliquid reperiēs, quod commodè huc referri

y) in epistola ad MORELLIVM p. 69. Conf. SCHWARZ. l. c. p. 53.

z) in loc. cit. p. 22. De Aesculapio conferri etiam poterit GISBERTVS CVPERVS in Harpocrate p. 78. feqq.

a) Conf. BERNARDI DE MONTFAVCON Antiquité expliquée Part. I. Tom. I. et SCHOLIASTES in ARISTOPHANIS Plut. Act. III. Scen. 2. v. 702.

b) CORNEL. CELSVS Medic. Lib. I. cap. 1.

c) in Commentar. ad iusiur. Hippoc. cap. VI.

ferri possit. Sed his missis, dicere iam adgredimur, de HYGEA, vel si mauis, HYGIA. Paucis adhuc antea notare iuuat, quid veteres Graeci generatim per ὑγείαν intellexerint. Vox illa proprie denotat *salutem, integritatem corporis, valetudinem bonam*, deinceps vero etiam significat *mazam*, quae quondam in sacris data fuit, ut gustaretur, sic testante ATHENAEO: d) ὑγεία δὲ καλεῖται, ἡ διδομένη ἐν ταῖς θυσίαις μᾶζα, ἵνα ἀπογεύσωνται. Et tandem etiam ὑγεία nominata fuit *portiuncula illa, quam veteres e templis aut sacrificiis secum domum deportarunt*, ut fuit *unguenti aliquid, frons virens*, et quae sunt eiusmodi alia, et quidem ideo sic vocata, quoniam illi superstitiosi sibi persuaferunt, haec ex loco sacro per furtum sublata, suae prodesse valetudini atque saluti. e) Haec HYGEA nostra, omnium Aesculapii liberorum facile princeps, Latinis dicitur SALVS et SANITAS, quae etiam ipsius vocis est propria significatio, DEA VALENTIA etiam, ut STRVVI O f) videtur, quamquam hoc nomen magis Romae sorori conuenire, summo opere contendunt MEIBOMIVS g) CELLARIVS h) et SCHWARZIVS, i) quorum sententiae et nos iure meritoque subscribimus, quoniam Graecam vocem ἑωμην commodè latine per *valentiam* exprimere poteris. De hac generatim mox sub initium erit notandum, ne qua deinceps in dicendo oriatur confusio, eam duplicem fuisse, aliam ΥΓΕΙΑΝ ΔΗΜΟΣΙΑΝ Graecis, Latinis SALVTEM PVBLICAM, k) quae apud vtramque gen-

D 2

tem

d) Deipnosoph. Lib. III. cap. 3. Conf. POLLVC. Onomasticon Lib. VI. cap. 2. Segm. 76. Edit. Hemsterhuisii.

e) Conf. PFEIFFERI Antiquitatum Graecarum Gentilium Lib. I. cap. 31.

f) Antiquitatum Romanarum Syntagni. cap. I. p. 130.

g) in Comment. ad iusiur. Hippoc. cap. VI.

h) Origin. et Antiq. Medicinae cap. III. §. 6.

i) in peregregia Dissertatione de Aesculapio et Hygea, Diis φιλαρ-
σεωποις §. XIII. p. 27.

k) Vid. DEMPSTERVS in paralip. ad ROSIN. Antiq. Rom. ad Re-
gionem sextam de SALVTE. et CHERBVRY de religione Genti-
lium, errorumque apud eos causis p. 261. STRVVIVS l. c. p. 130.

rem quam religiosissime culta fuit, aliam vero hanc nostram *HY-
GEIAN, SALUTEM, SANITATEM*, Aesculapii filiam. Vbi ea in
lucem sit edita, de eo, quantum scimus, non occurrit men-
tio apud auctores, nec constat, quomodo educata sit, et a
quonam artem Medicam didicerit, quam Medicinae cogni-
tionem eidem a parente insitam atque innatam, procul du-
bio veterum credidit superstitio, quamuis etiam non obue-
nit exemplum, vbi eandem exercuisse expressis verbis dica-
tur. Hoc est certissimum, eam et apud Graecos et Roma-
nos summa cultam esse religione, vt Deam artis Medicae Tu-
telarem, et cum solam, tum etiam praecipue cum patre Ae-
sculapio vna esse celebratam in simulacris, nummis, atque in-
scriptionibus. Comprobant id vberius plurima *templa* apud
vtramque gentem eidem sacra, vt apud Graecos erit illud
exstructum ab Atheniensibus et Megarensibus, l) Epidauri
incolis, Corinthiis, Argiuis, m) Aegiensibus et reliquis, n) et
apud Romanos illud, quod cum patre Aesculapio habuisse di-
citur commune, referente ex POMPONIO LAETO Cl. MEI-
BOMIO. o) Dona SALVTI nostrae, et Apollini, et Aesculapio,
vota sunt, tempore pestilentiae, tertium iam annum urbem
Romam atque Italiam vastantis, testante LIVIO. p) Hic et ae-
dis Saluti consecratae fecit mentionem his verbis: q) *Eo-
dem anno aedes SALVTIS a. C. Iunio Bubulco Censore locata est,
quam Consul bello Samnitio vouerat.* Sed haec non SALVTI no-
strae, vt falso putat MEIBOMIVS, r) sed *publicae* potius:
quod longe verisimilius esse videatur, hoc templum ob pu-
blicam populi salutem recuperandam esse locatum, quam vt
quis pro sua restituenda valetudine priuatim Deae salutaris
vouens,

l) PAUSANIAS in *Atticis*.

m) *Id. in Corinthiacis*.

n) *Id. in Achaicis*.

o) in *comment. ad iusiur. Hippocr. cap. VI.*

p) *Lib. XL. cap. 37.*

q) *Lib. IX. cap. 43.*

r) *loc. cit. §. XII.*

vouens, continuo eidem in loco publico aedem sacram aedificandam curauerit, quod magis peractum fuit inscriptionibus in tabulis exaratis, quas veteres in templis Deorum Salutarium fuspendere consueuerunt. Vtitur etiam nobiscum eadem sententia Cel. STRUVIVS, s) et hanc addit rationem, quod hoc templum, iam duodecim annos ante Aesculapium Romam delatum, Saluti locatum sit. Ad *augurium Salutis* quod attinet apud Romanos, falso omnino asserit MEIBOMIVS, t) id ad nostram spectasse Salutem, fuit enim diuinationis genus, v) quo probatum est, concedantne ipsi Dii, ut populo salutem postulent, de quo errore MEIBOMIVM notauit CELLARIUS. x) Dantur Hygeae complura *simulacra*, in quibus interdum sola, plerumque tamen patri Aesculapio adiuncta, peculiari habitu vestita conspiciuntur. Fingitur maximam partem habitu matronali, veste alba talari, cum patella, cui maza imponitur, ad quam serpens adspirat, saepe etiam pingitur serpens ex manu porrigentis Hygeae accipiens, ut refert Cl. SCHVLZIVS. y) Paulo accuratius habitum et Aesculapii, et Hygeae demonstrat GRVTERVS, z) in explicatione tabulae cuiusdam marmoreae, quae Romae inuenitur, excellentissima chirurgia docta manu sculpta, exprimens Aesculapium et Hygeam, stantes, hac addita inscriptione:

NVMINIBVS.

SANCTIS

C. PVPIVS. C. F. ANI. FIRMINVS.

D. D.

Stat hic Aesculapius vesti inuolutus, dextro humero cum pectore nudus, fructus e lance, quam dextra tenet, draconi flexuosissimo, cristato, barbatoque ac sese per varia volumina erigenti porrigens.

Hygia picta est veste una longiori, cui altera breuior superiniecta est, induta humero etiam dextro aliquantulum nudato: alteri draconi etiam flexuosissimo ac barbato, sed non cristato, fructus itidem e lance offerens.

D 3

Stat

s) Syntagm. Antiq. Rom. cap. I. p. 140.

t) in loc. cit. §. 17.

v) DIO CASSIVS Lib. XXXVII.

x) Orig. et Antiq. Medic. cap. VII. de Augurio Salutis.

y) Histor. Med. Period. I. Sect. II. cap. 4. §. 20.

z) p. LXVIII.

Stat etiam alias, vt in nummis, habitu matronali, serpentem dextra tenens, vel interdum sinistra, altera patellam porrigens. Simulacrum Hygeae, vbi patri Aesculapio adstat, demonstrat PAVSANIAS a) his verbis: Ἀγάλμα ἔχει καθήμενον Ἀσκληπιὸν λίθῳ λευκῷ, καὶ παρ' αὐτὸν ἔστηκεν ΥΓΕΙΑ. Iam ad nummos accuratius considerandos transgredimur, qui eius imagine insigniti sunt. b) Offert se in iis, quos RICHARDVS MEAD, vtinam omnes bona cum fide, collegit, partim capite tantum laureato, c) vbi pars auersa sistit Aesculapium sedentem eo habitu, quo eum supra descripsimus, et habentem ante pectus stellam maiorem, additis illi celebriorum eius temporis Medicorum nominibus, quod in variis animadvertimus. Conspicitur in alio capite eodem modo ornato, facilius quam in priori cognoscenda, cum inscriptione: SALVTIS, d) vbi in altera parte eadem tota sistitur habitu consueto, maiorem serpentem dextra prae se ferens. In alio videmus eam etiam simplici capite laureato, e) et altera in parte, patrem Aesculapium, serpente maiori denotatum, addita inscriptione: ΑΣΚΛΗΠΙΟΣ ΚΑΙ ΥΓΕΙΑ, et quae sunt adhuc aliae et variae eius ibidem in nummis formae atque figurae. f) Plures dantur etiam veterum inscriptiones, quarum maxima pars Hygeae et Aesculapio simul vota est. Vt apud GRVTERVM inter alia g) etiam haec occurrunt exempla: h)

AESCUL-

a) in Corinthiacis.

b) Conf. VAILLANT in num. Impp. Part. II. in nummis Marciae Otaciliae Seuerae.

c) in nummis a Smyruacis in honorem Medicorum percussis Tab. I. n. 1. Tab. II. n. 1. 2.

d) ibid. Tab. II. n. 4. 5.

e) ibid. Tab. III. n. 10.

f) cod. in loc. Tab. III. n. 8. 11. 13. 14.

g) p. XXXI. n. 10. p. LXVIII. n. 3. p. LXIX. n. 1. 2. 3. 4. 5. 6.

h) p. LXVII. n. 9.

AESCULAPIO. ET. HYGIAE
CAETERISQ. DIIS. DEABVSQVE
HVIVSQ. LOCI. SALVTARIB.
C. IVL. FRONTONIANVS. VET
EX. B. F. COS. LEG. V. M. P. REDDI
TIS. SIBI. LVMINIBVS. GRAT
AG. EX. VISO. PRO. SE. ET. CAPSIA
MAXIMA. CONIVG. ET. VILIA
FRONTINA. FILIA. V. S. L. M

Ibidem n. 10.

NVMINI. AES
CVLAPI. ET. HY
GIAE. PRO. SA
LVTE. DO
MINOR. N. N.
AVG
ANTROCIVS
VERNA. IPSOR
EX. DISP. POS.

et p. LXVIII. n. 1.

ASCLEPIO. ET
SALVTI
COMMILITONVM
SEX. TITIVS. ALEXANDER
MEDICVS. CHO. V. PR.
DONVM. DEDIT
AVG. VIII
T. FLAVIO. SABINO. COS

Ibid. n. 2.

ASCLEPIO. ET. SALVTI
COMMILITONVM. COH. VI. PR.
VOTO. SVSCEPTO
SEX. TITIVS. MEDIC. COH
VI. PR
D. D

Item

Item marmor notatu dignum, quod apud REINESIVM i) occurrit:

AESCVLAPIO. ET. SA
NITATI

et tandem illa inscriptio, Hygeae tantum dicta: k)

HYGIAE

AVG

MIL. LEG. VI

VOTVM

SOLVIT

Exstant etiam duo *Hymni* Hygeae sacri, quorum alterius fuit auctor ARIPHRON SICYONIVS, l) et alter inuenitur inter sic dictos Orphicos. m) Hic notari poterit, vel id ad nostram Hygeam spectare putes, quod admodum verisimile esse videtur, vel ad Salutem publicam, quod refert de ANTIOCHO SOTERE ABRAHAM ORTELIVS, n) eum nempe *ὑγείας* symbolum pro tessera dedisse militibus pentagoni forma, teste LVCIANO. De poculo Hygeae sacro, quod veteres absoluta manuum lotionem post coenam, unde Graecum nomen ortum est, sumere consueuerunt, ita relatum inuenimus apud POLLUCEM: o) Ἡ δὲ μετανιπτρὶς, κύλιξ ἔστιν, ἣν μετὰ τὸ ἀπενίψασθαι ἐλάμβανον. Τὸ δὲ ὄνομα, ἔτῃ κατὰ τὸ ἔκπωμα σχήματος ἀλλὰ τῆς τάξεως. Ἦν δὲ καὶ ὙΓΕΙΑ ἱερὰ, ὥσπερ καὶ Διὸς Σωτῆρος κρατὴρ, ἱερὸς ἦν. p)

§. XVIII.

i) *Inscript. Cl. I. n. CXVIII.*

k) *GRVTERVS LXIX. n. 7.*

l) *Extat apud ATHENAEVM Deipnos. Lib. XV.*

m) *p. 165. edit. Eschenb.*

n) *Deorum Dearumque capita Lib. II. fig. 57. in GRONOV. Thesaur. Antiq. Graec. Vol. VII. p. 295.*

o) *cit. edit. Lib. VI. cap. XVI. Segm. 100.*

p) *de Hygea conf. IOSEPHI LAURENTII varia sacra gentilium Cap. XIII. in GRONOV. Thes. Antiq. Graec. Vol. VII. p. 193.*

§. XVIII.

De PANACEA tandem dicturi, ipsius vocis propriam vim prius examinemus necesse erit, quam ipsam adgrediamur tractationem. Vox nempe graeca est, et significat *medicinam, omnibus morbis medentem*, et dicitur quasi ἡ πᾶν ἀκέραια, quae omnia curat. Inter beneficia Apollinis Medica hoc etiam recenset Cel. SCHVLZIVS, q) eius crines stillasse *panaceam*, quae, in quamcunque regionem et urbem deciderit, omnia reddiderit incolumia. Panacea etiam herbam *cunilim bubulam* apud PLINIVM denotat, r) qui eam ita commemorat: *Item testudines cum serpentibus pugnaturae, hac (cunila bubula) se muniunt, quidamque in hoc usu PANACEAM vocant.* Quo maior fuit dicendorum copia in praecedentium numinum historia enarranda, hoc minor atque tenuior in Dea nostra recensenda nobis offertur materies, quae tamen de eadem apud meliores scriptores occurrunt, maximam saltem partem hic communicabimus. Fuit ex filiabus Aesculapii, ut supra demonstraui, ut Dea culta, quod vel ara comprobabit, quam cum sorore Hygea communem habuit testante PAVSANIA. s) Per hanc PANACEAM, Aesculapii filiam, peculiare quid intellexisse veteres putat CLERICVS t) in explicatione nominum, quibus filiae Aesculapii insignitae fuerunt: *Par Iaso et PANCEA, qui sont la meme chose, que la guerison, et la Medicine vniuerselle, l'on a voulu insinuer, que le bon air guerissoit toutes les maladies.* Mentionem Panaceae ARISTOPHANES fecit duplici in loco, u) quorum in ultimo etiam eam patri Aesculapio

q) *Histor. Medic. Period. I. Sect. II. cap. I. §. 8.*

r) *Histor. Nat. Lib. XX. Tom. IV. p. 62. Edit. Harduini in asum Delphini.*

s) *in Atticis.*

t) *Dans l'Histoire de la Medicine Liu. I. Chap. 19.*

u) *in Pluto Act. III. Scen. 2. v. 702. et 730.*

pio adstitisse, Plutum a caecitate liberaturo, hunc in modum narratur:

ἡ ΠΑΝΑΚΕΙΑ δὲ

κατεπέτασ' αὐτὲ τὴν κεφαλὴν φοινικίδι

καὶ πᾶν τὸ πρόσωπον

Habuit illa etiam festum peculiare dictum suo nomine ΠΑΝΑΚΕΙΑ, x) quid vero in illo actum sit, eidemne sacrificia facta sint pro salute, nec ne, non occurrit apud rerum gestarum scriptores. Cur per PANACEAM et HYGEAM tantum, aliis Aesculapii filiis, filiabusque omissis, Hippocrates potissimum voluit iurari, eius rei veram rationem sibi inuenisse visus est Cl. MEIBOMIUS, y) quae tamen vaga potius est coniectura, quam ut certiori quodam et firmiori nitatur fundamento.

§. XIX

SED de his iam dicta sufficiant. Ad TE tandem, VIR CLARISSIME atque DOCTISSIME, agredior, TIBI hanc qualemcunque tenuis ingenii fructum, coniunctissimae nostrae familiaritatis monumentum, oblaturus. Non miraberis, qui id fiat, cum vel in vulgus notum sit, quanti TE faciam, et quam eximia per hoc biennium, quo ante TE primum nouisse et

x) Refert id MEYRSIUS *Graeciae Feriatae Lib. V. ex THEODORET. Therap. VII. in GRONOV. Thesaur. Antiq. Graec. Vol. VII. p. 834.*

y) in commentario ad iusiurandum Hippocratis cap. VI. sub finem.

mihi honor contigit, nostra fuit amicitia, quamque insignis adhuc illa daret. Veni huc Lipsiam, vidi TE, et continuo etiam vici animum TVVM, ut me dignum iudicares, quem amore prosequereris atque favore. Amicitiae autem verum nobis fuit principium, quod putat PLVTARCHVS. z) Vbi scilicet sumus vno eodemque domicilio, et victu, studiorumque ratione communi, quae omnia, mea quidem sententia, si accedat adhuc animorum similitudo, ad parandam amicitiam pariter et confirmandam, sunt vel maxime accommodata. Vt iam taceam, praeclaram TVORVM morum mansuetudinem, rerumque cognitionem singularem, quae tamen hic loci iustis laudibus euehere, per TVAM modestiam non licet, me TVI reddidisse studiosissimum. Nunc ipse colligas velim, quo animo TVVM me discessum ferre posse existimes? Sed cum hinc in Academiam Pragensensem abeas, ut studia, quae tanta cum laude coepisti, perficias, et summos, quibus TE omnes dignum iudicant, honores capeffas, mihi etiam durae

z) in Commentario de adulatoris et amici discrimine p. m. 51. Ἀρχὴν δὲ Φιλίας ἐφαμέν εἶναι τοῖς πλείοσι, τὴν ταῦτα μὲν ἐπιεικῶς ἀσπασομένην εἶδη καὶ ἡδὴ, τοῖς δὲ αὐτοῖς χαίρουσαν ἐπιτηδεύμασι καὶ πράγμασι καὶ διατριβαῖς, ὁμοιοπαθεῖν διάθεσιν τε καὶ φύσιν. et Idem de amicorum multitudine p. m. 93. τί οὖν, inquit, νόμισμα Φιλίας; εὐνοία καὶ χάρις μετ' ἀρετῆς, ὧν οὐδὲν ἔχει σπανιότερον ἢ φύσις.

durae temporum conditioni aliquid dandum erit atque concedendum. TE iam Lipsiae, amicis, mihi vltimum vale dicentem, omnibus precibus hic commorarer, nec digredi paterer, nisi id mihi aliquod iusti doloris daret linimentum, TE eo fine, eo consilio, in celeberrimam Pragensem Academiam reuerti, vt aliquando dignis adauctis muneribus ad nos redire possis. Vale itaque, AMICE integerrime, Deus Optimus Maximus saluum TE praestet atque incolumem, TVIS clementissime bene dicat studiis, vt in rei publicae salutem, et splendidae familiae, MATRIS inprimis CARISSIMAE, decus atque ornamentum talis euadas, quem TE iam pridem omnes cognitum iudicarunt, TEque tantum temporis spatium sospitem esse patiatur, dum naturam ipsam satietate viuendi expleueris. Ad me vero, nostramque amicitiam, quod attinet, mei et illius etiam in diffitis regionibus vt numquam non memor esse velis, a TE omnibus precibus peto atque contendo, non, quod TE idem monere necesse putem, sed quoniam ita rogandi mos est. Iterum vale. Dabam Lipsiae ante ipsas

Idus Martias clō lccc XXXV.



